


保嬰全書

二

特別  
79  
83  
2





門武  
83  
卷2

商氏  
齋

同書

保嬰全書卷之二

贈太醫院院使薛 鎧編集

前太醫院院使男薛已治驗

面上症

錢仲陽云左腮為肝右腮為肺額為心鼻為脾  
頰為腎色青主驚積不散欲發風候紅主痰積  
驚悸黃者食積癥傷欲作疳癖白主洩瀉水穀更  
欲作吐黑主臟腑欲絕○印堂青



主初患驚瀉紅主大驚夜啼黑主客忤○山  
根青主二次驚瀉後發燥黑黃甚者死○年  
壽平陷主天青主發熱生驚黑主利死紅主  
躁死微黃曰平黃甚曰霍亂○承漿青主食  
時被驚黃主吐逆赤主血利黑主驚風○兩  
眼黑睛黃主有熱白睛黃主食積疳疔白睛  
青主驚風黑睛黃主傷寒○眉上青吉忽紅  
主煩躁夜啼黃主霍亂久病紅者死○風氣

二池青主風候紫主吐逆或發熱黃主吐逆  
赤主煩躁夜啼○兩顴赤主肺有客熱○兩  
太陽青主二次受驚青自太陽入耳者死紅  
主血淋○兩臉青主客忤黃主痰溢赤主風  
熱○兩頰赤主傷寒兩頰青主吐蟲○兩金  
匱青主第三次驚風黑遠口二日死青連目  
入耳七日死○兩風門紅主風熱黑主疔青  
主水驚黑從眉入耳即日死唇黑不食者死



○面青眼青肝病面赤心病面白肺病面黃  
脾病面黑腎病○額間赤色主心經有熱煩  
躁驚悸若飲水或叫哭屬本經實熱用瀉心  
散以清心火微赤困卧驚悸熱渴飲湯屬虛  
熱用秘旨安神丸以生心血青黑主驚風腹  
痛或癩癧啼叫用五味異功散加木香柴胡  
釣藤鈎補脾肝青黑主心腹作痛此寒水乘  
心用益黃散微黃主驚疳用安神丸○左臉

青或兼赤主肝經風熱項強頓悶目劓癩癧  
用柴胡清肝散色微赤倏然咬牙屬虛熱用  
地黃丸青黑主肝剋脾而驚搐腹痛用六君  
子加薑桂微赤主潮熱血虛心躁先用秘旨  
安神丸次用地黃丸○右臉赤主風邪氣麗  
咳嗽發熱飲水為實熱用瀉白散若哽氣出  
氣唇白氣短屬虛熱用五味異功散若脾熱  
所傳用清胃散心火所刑用人參平肺散淡



赤主潮熱心躁或大便堅秘用宣明柴胡飮  
子以疎導如潮熱未止更用釣藤飲以清肝  
色青白主咳嗽惡心先用惺惺散解表邪健  
脾土更以六君子湯調補中氣色青黑主驚  
風腹痛盤腸內釣用六君釣藤鈎平肝補脾  
○鼻微黃為平赤主脾胃實熱身熱飲水乳  
食如常用瀉黃散清熱理脾微赤主脾經虛  
熱身涼飲湯乳食少思用五味異功散補中

健脾色深黃主小便不通鼻中乾燥氣麓  
血乃脾熱傳於肺腎先用濟生犀角地黄湯  
後用地黃丸色淡白乃脾虛泄瀉乳食不化  
用六君子湯調補中氣青色主脾土虛寒肝  
木所勝用五味異功散加木香炮薑溫中平  
肝黑為死候○頰間色赤主腎與膀胱氣滯  
熱結而小便不通用五苓散以分利鼻準微  
黃兼右腮微赤乃脾肺燥熱不能化生腎水



用黃芩清肺飲膀胱陰虛陽無所生用滋腎丸若頰間微赤乃膀胱陽虛陰無所化用六味地黃丸若小腹脹滿或陰囊腫脹屬陰虛濕熱壅滯用六味丸加車前牛膝脾肺氣虛不能通調水道者亦用前藥其小便赤色久而尿血亦屬肝腎氣虛有熱用六味地黃丸如不應則用補中益氣湯益脾肺生肝腎若小便後出白津或莖中作痛屬肝經濕熱先用龍膽瀉肝湯後用六味地黃丸○印堂青

黑主腹痛夜啼此脾氣虛寒也脾為至陰故夜間腹痛而啼用釣藤飲色淡白主泄瀉乳食不化屬脾氣虛弱用五味異功散加木香○人中黃主傷乳胃逆青主下利乳食不化噯氣酸腐此脾虛停滯先用大安丸消食後用異功健脾黑主蛔蟲咬痛○唇色白主吐涎嘔逆或吐血便血乃脾氣虛弱不能攝涎



保嬰全書卷二  
五  
統血歸源急用六君子湯色赤乾燥而皺者  
主脾經熱渴大便不通煩熱不寐先以清胃  
散治其熱次以四君黃連山梔調其脾黃主  
食積泄瀉乳食不化以六君子湯健脾色赤  
無白主衄血乃脾肺虛熱不能攝血歸源用  
聖濟犀角地黃湯清熱補血用四君子湯以  
補脾氣如久不應用麥門冬散或人參安胃  
散○口畔色黃主脾經積熱用清胃散久病

用四味肥兒丸以治疳熱唇口抽動主驚熱  
不安用異功散加山梔釣藤鈎補脾平肝若  
口流涎唇色紫乃脾氣虛寒用異功散加炮  
薑木香若腹中痛口吐涎乃蟲作痛先用蕪  
荑散後用調中丸不吐涎是積痛也用異功  
散手足厥冷用理中湯加烏梅溫補中氣而  
痛自止或吐後或大便去後而痛止者先用  
下積丸後用異功散○白主失血死青主驚



風死黑色繞口者不治耳後微赤此少陽經  
風熱用柴胡飲子清肝生血微黃主睡中驚  
悸咬牙用四君子加芎歸升麻以調理脾氣  
○耳乾燥主骨痺蒸熱作渴盜汗用地黃丸  
若小便後出白津或玉莖痒痛屬肝經濕熱  
先用龍膽瀉肝湯後用地黃丸若稟賦腎氣  
不足或早近女色致小便泄滯或作痛如淋  
者急用地黃丸補中益氣湯滋其化源或大

小便去後穀道牽痛者其虛尤甚用前丸加  
牛膝車前肉桂如手足逆冷或畏寒少食陽  
氣虛寒也急加附子多可得生大抵多因稟  
賦臟氣不平或乳食寒暑失節或妊娠乳母  
飲食起居六淫七情所致若初病元氣無虧  
乳食如常發熱壯熱二便秘結作渴飲水睡  
不露睛者悉屬形病俱實當治邪氣若病久  
元氣已虧食少發熱口乾飲湯嘔吐泄瀉膠



體畏寒而露睛者悉屬形病俱虛當補正氣  
更宜審胎氣之虛實臟腑之相勝而治之庶  
無悞矣

瀉心散 方見心臟

秘旨安神丸 方見心臟

五味異功散 方見內鈞

朱砂安神丸 方見發搐

柴胡清肝散 方見諸熱

地黃丸 方見腎臟症

六君子湯 方見內鈞

瀉白散 方見肺臟

清胃散 方見內鈞

補中益氣湯 方見虛羸

人參安胃散 方見脾臟

宣明柴胡飲子 方見發熱

釣藤飲 方見慢驚



惺惺散

方見咳嗽

瀉黃散

方見脾臟

濟生犀角地黄湯

方見便血

五淋散

方見五淋

發搐

錢仲陽云驚癇發搐男左視無聲右視有聲女右視無聲左視有聲此相勝也蓋左為肝部右為肺部金木相勝故耳若寅卯辰時身

熱目上視手足動口流涎項強急此肝旺也巳午未時身熱發搐心神驚悸目上視牙緊流涎手足搖動此心旺也申酉戌時身熱微搐而喘目微斜睡露睛手足冷大便淡黃水此肺旺也亥子丑時微搐卧而不安身微熱目緊斜喉中有痰大便色白困睡流涎此腎虛也若握拳拇指在內女為順拇指在外男為順順則易治逆則難愈若涎入心肝則不



能言用涼心鎮驚下痰逆搐者不治吐瀉後  
變症者亦不治如手足冷汗搐眉搐肚日夜  
不止名真搐當用人參湯川烏全蝎等藥平  
其胃氣傷風發搐口中氣熱呵欠手足動者  
名假搐用大青膏發散風邪傷食後發搐身  
熱困睡嘔吐不思乳食者當先定搐後用白  
丸子下之百日内發搐真者内生風二三次  
必死假者外生風雖頻發不死外傷風者用

大青膏塗顛門及浴體法○寅卯辰時搐而  
發熱作渴飲冷便結屬肝膽經虛熱用柴芍  
參苓散作渴引飲自汗盜汗屬肝膽經血虛  
用地黃丸口吻流涎屬肝木尅脾土用六君  
子湯○巳午未時發搐若兼作渴飲水屬風  
火相搏以地黃丸補肝導赤散涼驚丸治心  
若作渴飲湯體倦不乳土虛而木旺也用地  
黃丸以補腎六君子湯以補脾○申酉戌時



微搐而喘目微斜身似熱睡而露睛大便淡黃屬脾肺虛熱用異功散手足逆冷或喘瀉不食屬脾肺虛寒用六君炮姜木香又病而元氣虛者用六君子六味丸二藥主之○亥子丑時微搐身熱目睛緊斜吐瀉不乳厥冷多睡屬寒水侮土用益黃散未應用六君薑桂傷風發搐口氣不熱肢體倦怠用異功散補脾土釣藤飲清肝木若因風邪內鬱發熱

而變諸症者當理肺金清風邪若外邪既解而內症未除當理肺補脾若肺經虧損而致驚搐等症者當補脾肺以平肝心則驚搐自止矣若停食發搐嘔吐乳食者宜用消食丸若食既消而前症仍作或變他症者脾土傷而肝木乘之也用六君子加釣藤釣以健脾平肝若百日内搐者因胎氣所稟亦有乳母七情厚味所致者當兼治其母而以固胃為



先不可逕治其兒也

治驗

一小兒寅卯時發熱痰搐服抱龍丸而愈  
後復患因自用前藥更加咳嗽氣喘不時  
發搐面赤或青黃或浮腫或流涎余謂咳  
嗽氣喘乃脾肺氣虛不時發搐乃木乘土  
位面青而黃赤乃肝助心脾浮腫流涎乃  
脾氣虛弱用益智丸以補心神補中益氣

湯以養脾肺頓愈心

少叅王陽湖孫昉傷股骨正體科已續余  
視其面色青黃口角微動此肝木侮脾之  
症且氣血筋骨皆資脾土以生但壯脾氣  
則所傷自愈遂用六君鈞藤當歸三十餘  
劑諸症悉痊

一小兒兩目連劄手足發搐服天麻防風  
丸之類每發饑時益甚得飲食稍定此肝



木制脾土也用六君升麻柴胡鈞藤鈞二劑而病痊又用補中益氣湯而全效

一小兒巳午時搐熱驚悸發時形氣倦怠而黃懶食流涎飲湯此心火虛而不能生脾土也不信自服涼心之藥更加吐瀉睡而露睛幾成慢脾風用六君薑桂佐以地黃丸而愈

一小兒七歲驚搐發熱不已巳午未時益甚形氣殊倦熱定飲湯此心脾氣虛朝用補中益氣湯加益智仁夕用六君當歸鈞藤鈞尋愈後飲食過多復作吐瀉或治以保和丸反加寒熱發搐此脾土復傷而肝木所侮也用六君柴胡寒熱止而飲食進但午未時仍泄用補中益氣湯加茯苓半夏鈞藤鈞而愈

一小兒百日内患搐痰涎自流用驚風藥



益甚視其面色黃中隱白乃脾虛不能攝  
涎也用六君子補中益氣二湯而愈後復  
患無氣喘自欲表散行痰余謂此肺虛不  
能納氣歸源耳用五味異功散加釣藤釣  
柴胡調補脾肺清理肝火而安

一小兒患前症面青黑或痿黃審其母素  
有鬱怒用加味逍遙散加味歸脾湯治其  
母而子亦愈

一小兒月內發搐鼻塞乃風邪所傷以六  
君子湯加桔梗細辛子母俱服更以葱頭  
七莖生薑一片細搗攤紙上合置掌中令  
熱急貼顙門少頃鼻利搐止

一小兒未滿月發搐嘔乳腹脹作瀉此乳  
傷脾胃用五味異功散加漏蘆令母服之  
子亦服匙許遂愈

一小兒驚悸痰盛瀉乳不消此感風邪夾



驚肝侮脾而氣虛先以天麻防風丸祛風  
定驚後用五味異功散壯脾止搐而愈  
一小兒發熱拘急四肢瘳癢左腮赤此心  
肝二經風熱先用柴胡清肝散次用六味  
地黃丸而愈

一小兒發搐啼叫手足指冷左腮青黑此  
脾土虛弱腎水反所侮也用六君薑桂一  
劑頓安又以四君芩歸及補肝散而愈

一小兒發熱作渴用瀉黃散大便重墜口  
角流涎仍欲瀉火余曰鼻隼青白多而黃  
色少屬脾胃虛寒肝木所侮蓋口角流涎  
脾氣虛而不能攝也大便重墜脾氣陷而  
不能升也不信另用涼驚之劑果眉唇微  
動四肢微搐余曰此虛極而變慢風矣始  
用六君當歸木香炮薑釣藤鈎二劑未效  
意欲更藥余曰此藥力未至也仍加附子



一片服之即安後去附子又二劑而愈  
一小兒目內色青發搐目直上視叫哭不  
已或用牛黃清心丸更加咬牙頓悶小便  
自遺余謂此肝脾虛甚用補中益氣湯六  
味地黄丸而愈  
一小兒發搐目劓屬肝膽經風熱先用柴  
胡清肝散以清肝後用六味地黄丸以補  
腎而愈

涼驚丸治驚疳熱搐心神驚悸白睛赤色牙  
關緊急潮熱流涎手足動搐

黃連 五錢

龍腦 一錢研

龍膽草 酒拌炒黑

防風

青黛 研三錢

釣藤釣子 二錢

牛黃

麝香 各一字

右各另為末麵糊丸粟米大每服三五丸  
至一二十九煎金銀湯下

愚按前方治心肝二經風熱若心肝虛而



見驚搐潮熱用秘旨安神丸肝木乘脾者  
用異功散加柴胡鈞藤鈞心脾虛弱而潮  
熱流涎者用異功散若虛寒更加木香不  
應更加炮薑詳見滯順

擦牙通關散諸風搐搦關竅不通痰塞中脘

留滯百節

南星 二錢

麝香 一字

牙皂 二錢燒存性

赤脚蜈蚣 一條 殭蠶 各一錢

右為末薑汁蘸藥少許擦牙或調服二

點涎自出

至聖保命丹治胎驚內鈞腹肚緊硬啼叫

安及急慢驚風眼目上視手足抽掣不知

人事

全蝎 十四箇去毒 防風 二錢

白附子

炮南星 蟬殼 各一錢

殭蠶 去絲嘴炒

天麻 朱砂 各一錢 麝香 五分



金箔

右為末米糊和每兩作四十九丸每服一丸

白湯化下有熱者以膽星易炮星

白餅子治傷食嘔吐肚疼噯氣先用此藥一

服推下食積却用惺惺散加減參蘇飲不

可服冷藥

滑石

半夏

膽南星

各一錢

輕粉

巴豆

二十四粒去皮膜用

右以三味為末入巴豆輕粉研勻飯丸菜  
豆大每服三五丸紫蘇湯下忌熱物量兒  
加減

十味安神丸治驚

人參

茯神

麥門冬

山藥

各二錢

片腦

二分

龍齒

一錢

朱砂

甘草

寒水石

各五分

金箔

二片



右為末蜜丸雞頭大燈心湯調下一方有  
馬牙硝

浴體法

天麻 二錢

蝎尾 去毒

朱砂 各五分

烏蛇

肉酒浸

白礬 各二錢

麝香 一字

青黛 二錢

右為末每用三錢水三碗桃枝一握煎  
數沸溫浴之勿浴背

塗顛法在發搐

麝香 一字

蝎尾 去毒

薄荷葉 三分

蜈蚣

牛黃

青黛末 各字

右同研用熟棗肉劑為膏新綿上塗勻貼  
顛上四方可出一指許火上炙手頻熨百  
日裏外小兒可用此塗浴法

瀉青丸

方見肝臟

導赤散

方見心臟



地黄丸

方見腎臟

益黃散

方見脾臟

蘇青膏

方見慢驚

大青膏

方見肝臟

余第三兒生甫一月忽口眼歪斜手足微動療以風痰藥稍止半歲復作日二三發或至六七發其發也或只兩手一搐即止甚則口眼歪斜數口熱茶時乃止以抱龍

丸及至聖保命丹投之俱不大效歲半後漸愈比六歲又作半月或一月一發其發也多在卯辰時視或向左或向右或有聲或無聲然皆手足搐掣口眼歪斜項急咬牙面赤唇紫喉間響如拽鋸聲有少涎流出  
出一鍾熱茶時乃止既止昏睡飯頃乃起起則笑語飲食如常肌色不改至八歲夏月時却只手足搐掣日作六七次多至十



餘次每次掣二三十下或五六十下甚則  
溺出手足指四散如欲裂狀既止即笑語  
飲食如常亦不昏睡肌色亦不改醫者或  
謂積熱或仍謂風痰率以攻剋藥俱不效  
繼得此書云肝主筋血不足則風火内生  
筋燥而目劓發搐又脾主涎其喉響及流  
出者肝木剋脾脾虛不能攝涎非痰盛也  
若誤認爲痰而專祛逐之則津液益枯不  
能滋榮筋脉病勢將愈甚宜用四物湯益  
其血柴胡山梔釣藤清其肝六君補其脾  
陰血內榮則虛風自息余如法治之前症  
遂愈然歷數月而搐掣歪斜之症又或一  
作不能拔其根也偶檢近醫支秉中者所  
著保嬰直指云一兒十歲病羊癩一月二  
三發診其脉知其膏梁所化毒痰停積於  
心肺胸膈之中法當補而取喜其純陽之



子未經虧損乃先以人參調元散服五十貼後投以利痰丸下去毒痰數碗如膠粘爛絮又服五十貼又下如前更以大寶丹日服一次每五日參以人參調元散如是者一年而愈今歷數載不發矣余遂如法治之痰稍下而病猶未愈因思痰在腸胃者可下而胸膈者須吐逐痰藥性必迅厲倘症未作或作已過而加藥不惟用力稍

難未免有傷元氣惟及其病症正作之時投以利痰之劑痰聚膈間尚未解散藥力湊攻不吐必下且有痰當藥元氣無損因照利痰丸預爲末一日偶發搐掣將定即灌前藥隨吐痰碗許如漂膠狀病發漸稀根猶未拔也比至粵聞南海有儒醫李士化召問之診視數次謂其病感自胎中有老痰盤薄于胸膈腸胃間因火而動滯于



中焦阻礙氣道則搖掣歪斜由之作矣法  
宜霞天膏以消積痰又黃連以清心火歸  
身熟地白芍少加川芎以和血歸肝人參  
以補氣甘草和之共成細末入膏爲丸庶  
浸潤流動膠固之痰自吐便中出而元氣  
不傷遂製而服之根乃拔去念此病狀與  
法治皆耳目鮮覩記也附錄以備世之保  
嬰者採焉趙可懷識

霞天膏用黃牯牛一頭選純黃肥澤方一  
二歲者取四腿項脊去筋膜將精肉洗淨  
切片如栗大秤二三十斤於淨室以大銅  
鍋加長流水煮不時攪動另以一鍋煮沸  
湯旋加常使水淹肉三五寸掠去浮油沫  
直煮至肉爛如泥盡去渣將肉汁以布漉  
入小銅鍋內用一色桑柴文武火不住手  
攪以肉汁漸加熬如稀餈琥珀色滴水不



散其膏已成此節火候最要用心大率每肉十二斤可煉膏一斤為度用磁器盛之

黃連

一兩二錢用姜汁酒煮晒乾

當歸

一兩二錢酒洗

淮生地黃

二兩姜汁浸蒸九次

白芍

一兩二錢酒炒

川芎

五錢酒洗

人參

二兩

茸草

炙五錢

夏月加五味子

五錢

麥門

一兩

以上各藥俱不宜犯鐵器

右為細末每霞天膏二分挽藥末一分每膏三兩加飛羅麪一兩同頓糊為丸如梧桐子大每服四十九起以漸加至一百丸止腸胃調則自少加多或吐瀉則自多減少服此藥後永不可食牛肉凡羊魚麪俱忌

眼睛頻動

目者肝之竅也肝膽屬風木二經無為相火



肝藏血血不足則風火内生故目睛爲之頻  
動經曰曲直動搖風之象也宜用四物益其  
血柴胡山梔清其肝陰血內榮則虛風自息  
矣若因肝經血燥而自病者用六味丸以滋  
其源因肺金尅肝木者用瀉白散以平金邪  
若眼眦頻動者肝木乘脾土也用抱龍丸若  
愈後驚悸不寐或寐中發搐咬牙目睛頻動  
者血虛不能榮筋脉也用補中益氣湯或歸  
脾湯加茯苓五味蓋有餘者邪氣實也不足  
者真氣虛也凡病氣有餘當認爲不足况此  
症兼屬肝脾多爲慢驚之漸尤當審之

治驗

一小兒三歲因驚抽搐發熱久服抱龍丸  
等藥面色或赤或青余曰始因肝有實邪  
故宜用前藥今面色青赤乃肝經虛熱傳  
心矣遂用六味丸以養肝腎佐以六君升



麻柴胡以補脾胃諸症頓痊

大尹周應昌子患瘰癧恪服化痰之劑虛  
症迭出殊類驚風又進祛風至寶丹小便  
頻數肢體抽搐或兩目連劄咬牙呵欠或  
嘔瀉懶食大便重墜此脾土傷而肝木乘  
之也用補中益氣湯六味地黄丸而愈  
冬官朱小溪子項間結核面色痿黃肌體  
消瘦咬牙抽搐頭搖目劄此木尅土症也

用六君子湯九味蘆薈丸而愈

憲幕顧斐齋玄孫二歲頸項結核兩臂反  
張索敗毒之藥余意其症屬風熱傷肝血  
燥筋攣未敢付藥翌早請治果屬前因遂  
與六味丸一服侵晨灌之午後肢體舉動  
如故

儒者王文遠子患瘰癧痰盛發搐服金石  
香燥之劑手足筋攣此肝血復傷而致急



驚風也用加味小柴胡湯加釣藤山梔芎  
歸一劑又以六味丸料加五味麥門煎服  
而安

瀉青丸

方見肝臟

六味丸

方見腎臟

四君子湯

方見天鈞

瀉白散

方見肺臟

唇口蠕動

唇為脾之華口乃脾之竅又陽明之脉環唇  
口而交入中陽明胃也是以脾胃虛者多有  
此症不獨病後而已夫脾主涎脾虛則不能  
收攝多無流涎或誤認為痰而用祛逐之藥  
則津液益枯不能滋養筋脉遂致四肢抽搐  
病勢愈甚原其治法與慢脾風相同當用大  
補脾胃之藥加升麻柴胡切勿用青皮龍膽  
草之類無察其色黃者脾弱也青者肝勝也



青黃不澤木來尅土也青赤相無木火風熱也黑為寒水反來侮土白為氣虛亡陽凡此宜用六君子湯加小柴胡湯若四肢微搐或潮熱往來或泄瀉嘔吐面色痿黃皆脾胃有傷也宜用白朮黃芪川芎當歸人參陳皮肉豆蔻神麩乾葛白芍藥黃連炙甘草白茯苓以補胃氣若脾胃虛弱者用五味異功散虛寒加木香炮薑若脾氣下陷者用補中益氣湯以升其陽作渴者用七味白朮散以生津液若肝木侮脾者用補中益氣湯加茯苓半夏芍藥以制肝補脾

治驗

一小兒傷食發熱唇動或用養胃湯枳實黃連山查之類更加腹脹午後發熱按其腹不痛余以為服前藥飲食雖化而脾胃復傷也用六君子湯數劑而痊



一 小兒傷食發熱嘔吐唇動服消導清熱之劑飲食已消熱赤如故余曰此胃經虛熱耳用四君升麻柴胡四劑而愈

一 小兒素面白忽然目唇微動時面色黃青良久其唇口手足亦微動此脾虛而肝侮之也用五味異功散加釣藤鈎白附子一劑其面青少退再二劑唇口動亦止又用異功散加升麻柴胡四劑而痊

一 小兒暑月吐瀉目唇微動面色青白手足並冷仍用玉露散余謂已變慢脾風也當溫補腎胃不信後果歿

五味異功散 方見天鈞肉鈞

補中益氣湯 方見虛羸

七味白朮散 方見積痛

六君子湯 方見天鈞

小柴胡湯 方見痊症



四君子湯

方見天鈞

驚搐目直

小兒忽然驚搐目直者皆肝之風熱也若肝  
虛生風則目連劄而不搐及多欠咬牙若肝  
經風實則目直大叫呵欠項急頓悶若肝經  
有熱則目直視不搐得心熱則搐氣熱則外  
生氣溫則內生其症手尋衣領及亂捻物宜  
用瀉青丸壯熱飲水喘悶宜用瀉白散凡病

之新久皆能引肝風風內動則上入於目故  
目為之連劄若熱入於目牽其筋脉兩眦俱  
緊不能轉視故目直也亦有飲食停滯中焦  
致清陽不升濁陰不降肝木生發之氣不得  
升致生虛風者須詳審之若胸滿腹痛嘔吐  
惡食輕則消導化痰重則探吐滯積更須審  
其所傷寒物熱物亦有因感冒吐瀉致使土  
敗木侮而生虛風者不可遽服驚藥宜用六



傷寒金匱要略卷三  
三十一  
君子加芍藥木香柴胡制肝補脾若因脾土  
虛而自病者用五味異功散凡飲食停滯痰  
涎壅滿而見驚症者實因脾土虛弱不能生  
金金虛不能平木故木邪妄動也宜健脾消  
食其症自愈若輒用驚風之藥反成其風而  
益其病也况臟腑脆嫩不可投以峻厲之劑  
治者慎之

治驗

姚儀部子每停食則身發赤暈此飲食內  
停不消鬱熱發外用清中解鬱湯而愈後  
患搖頭咬牙痰盛發搐吐出酸味伺其吐  
盡翌日少以七味白朮散調理脾胃遂不  
復患

一小兒停食服通利之劑作嘔腹脹此脾  
胃復傷也用補中益氣湯而愈

一小兒兩目動劄手足發搐數服天麻防



風丸之類前症不愈其痰益甚得飲食稍愈視其準頭及左頰色青黃余曰脾主涎此肝木尅脾土不能統攝其涎非痰盛也遂用六君升麻柴胡鈞藤二劑飲食漸進諸症漸愈又用補中益氣湯而安

九味養脾湯治小兒大病後面黃肌瘦目動咬牙髮少未能強步因誤服解表瀉利傷尅諸藥而致者宜長緩調理全復胃氣

白朮一分 白芍藥酒炒 白茯苓各八分

人參 陳皮 川芎各六分

甘草炙 黃芪蜜炙 當歸酒洗各四分

半夏 山查 麥門冬各六分

右用薑棗水煎服

六君子湯 方見天鈞

五味異功散 方見天鈞

清中解鬱湯 方見丹毒



七味白朮散

方見積痛

參苓白朮散

方見虛羸

補中益氣湯

方見虛羸

天麻防風丸

方見傷風咳嗽

睡中驚動

小兒睡中驚動由心腎不足所致蓋心主血與神肝藏血與魂肺主氣與魄腎主精與恐小兒臟腑脆弱易為驚恐恐則氣下驚則心

無所依神無所歸且夫人之神氣寤則行於目寐則棲於腎今心腎既虛則不能寧攝精神故睡中驚動也治宜清心安神用茯苓補心湯加酸棗仁茯神五味亦有驚嚇而作者因擊動其肝故魂不安也治宜鎮驚定魂用安神鎮驚丸若飲食間因驚而停滯者用六君子加神麩厚朴食既消而驚未定用茯苓補心湯若木火太過而心神不寧者用導赤



散風熱相搏者用柴胡梔子散食鬱生痰驚動不安者用四君以健脾神麩半夏以化痰山梔芍藥以清熱

治驗

一小兒夜睡忽然驚動如搐大便酸臭而色青此飲食傷脾而肝旺也先用異功散加柴胡升麻山梔又用四味肥兒丸而愈一小兒不時睡中驚動發搐作渴飲冷左

顯青額間赤先用柴胡清肝散加釣藤鈎四劑以治肝火後用五味異功散以健脾又用地黃丸補腎肝而安

導赤散 方見心臟

柴胡梔子散 方見諸熱症即梔子清肝散

六味丸 方見腎臟

四君子湯 方見天鈞

六君子湯 方見天鈞



五味異功散

方見天鈞

茯苓補心湯

方見瘡

安神鎮驚丸

方見急驚

目動咬牙

小兒驚後目微動咬牙者皆病後亡津液不能榮其筋脉也亦有肝經虛熱而生風者當審其氣血有餘不足而治之其日中發熱飲冷而動者氣有餘也用瀉青丸夜或盜汗及

睡不寧而動者血不足也用地黃丸或因肝經風邪傳於脾腎者亦令咬牙先用柴胡清肝散次用五味異功散六味地黃丸若因脾胃虛熱用補中益氣湯加芍藥山梔實熱用瀉黃散蓋牙牀屬手足陽明故也若肝腎熱用六味地黃丸

治驗

奚氏女六歲忽然發驚日動咬牙或睡中



驚搐痰涎壅盛或用化痰祛風等藥益甚  
余曰面青而見前症乃屬肝木尅脾土不  
能攝涎而上湧也當滋腎水生肝血則風  
自息而痰自消矣遂用六味丸而愈

一小兒患前症痰涎自流用驚風之藥其  
症益甚脾胃益虛視其面色痿黃口中吐  
痰用六君子補中益氣湯而愈

導赤散

方見心臟

地黄丸

方見腎臟

瀉青丸

方見肝臟

補中益氣湯

方見虛羸

六味地黄丸

方見腎臟

六君子湯

方見天鈞

搖頭便血

經曰諸風掉眩皆屬肝木木得風則搖動乃  
肝經火盛而生虛風也湯氏治鄭都承子搖



頭便血七年用祛風藥止血藥百試無效此  
肝經風熱所乘土受木尅不能攝血而潰入  
大腸故便血不止遂製清肝益胃湯以平肝  
益脾祛風熱兼服胃風湯旬餘諸症悉愈便  
血者風木搖動則土受凌虐而不能統血也  
或食酸味過多以益其肝致令陰結經曰結  
陰者便血一升再結二升三結三升又邪在  
五臟則陰脉不和陰脉不和則血留之結陰  
之病陰氣內結不得外行滲入腸間故便血  
也血亦有乳母恚怒風熱熾盛或肝木傷脾  
使清氣不升或風邪侵入大腸者治法若因  
風熱用柴胡清肝散若因怒火用加味小柴  
胡湯若清氣不升脾氣下陷者用補中益氣  
湯若風邪侵於大腸者用清肝益胃丸肝經  
血熱妄行者用六味地黄丸脾土不能培肝  
木者用六君柴胡釣藤鈎肝木勝脾土者用



四君子藥釣藤鈎結陰者用平胃地榆湯

治驗

一小兒傷風咳嗽痰湧余謂脾虛肺弱腠理不密風邪外乘用六君子湯加桔梗桑皮杏仁而愈後飲食停滯作瀉腹脹仍用六君子加山查厚朴而安又停食作瀉服消導之藥更加咳嗽余謂當調補脾土不信自用發表尅滯前症益甚更加搖頭余

以天麻散倍加釣藤鈎及異功散而愈

一小兒項間結核面色痿黃肌體消瘦咬牙抽搐頭搖目劄此肝木尅脾土也用六君子湯及九味蘆薈丸頓愈

一小兒病後遇驚即痰甚咬牙抽搐搖頭作瀉恪服腦麝朱砂等藥以致慢驚而卒

清肝益胃丸

犀角屑

甘草

全蛇蛻

炙黃



釣藤鈎子

麻黃去節一錢

黃芪蜜炙

羌活

防風

白芍藥

大花粉各半兩

右為末棗肉杵丸桐子大每服五十九食後薄苛湯下

海藏食療云蛇蛻主去風邪明目治小兒一百二十種驚癇寒熱等症蠱毒安胎炒用又治風癇弄舌搖頭故前方用之

平胃地榆湯 治結陰便血

白朮

陳皮

茯苓

厚朴

葛根各五分

地榆七分

乾薑五分

炙甘草

當歸

炒神麩

白芍藥

人參

益智各三分

升麻

附子炮各一錢

右每服一錢水煎服

胃風湯 方見偏風口噤



柴胡清肝散 方見諸熱症

加味小柴胡湯 方見肝臟

補中益氣湯 方見虛羸

六味地黄丸 方見腎臟

瀉白散 方見肺臟

六君子湯 方見天鈞

四君子湯 方見天鈞

天麻散 方見內嗽

異功散 方見天鈞

九味蘆薈丸 方見痺症

偏風口噤

小兒偏風者屬少陽厥陰肝膽二經症也噤者筋急由風木太甚而乘於脾以勝水濕則筋太燥然燥金主於收斂勁切故也又曰風之為病善行而數變或左或右其因一也治須審而藥之若足陽明胃經氣虛風邪所乘



其筋脉偏急者屬外因若足厥陰肝經風熱  
乘脾筋脉偏急者屬內因若脾肺虛弱腠理  
不密外邪所乘或服金石之劑耗損肝血或  
吐瀉後內亡津液不能養肝致口眼歪斜或  
半身不遂諸症皆屬肝血不足肝火生風宜  
滋腎水養肝血壯脾土治法脾胃虛而動風  
者異功散加柴胡鈞藤鈎脾肺虛而外邪所  
乘者用鈞藤飲肝火血燥者用六味地黃丸

津液不足者用白朮散若無目緊上視寒熱  
往來小便淋瀝面色青潔兩脇脹痛之類皆  
肝經之本病也或唇口歪斜腹痛少食目胞  
浮腫面色青黃肢體倦怠之類皆肝木乘脾  
之症也當審五臟相勝而主之設執其見症  
槩投風藥反成壞症者有矣

治驗

一小兒口眼喎斜面色或青或赤此肝心



風火乘脾也朝用柴胡清肝散夕用異功散加釣藤鈎而愈其時有患前症而祛風導痰之藥者皆不能起

一小兒痢後患前症發搐面色痿黃肢體倦怠此元氣虛尅伐多矣余用補中益氣湯加釣藤鈎子服而漸愈後因乳母七情飲食失宜或見乳食過多前症仍作服補中益氣湯五味異功散而應

錢氏全蝎散 治驚風口眼喎斜言語不正手足偏廢不舉

全蝎

去毒炒

殭蠶

直者炒

川芎

黃芩

甘草

桂枝

赤芍藥

麻黃

去節各二錢

天麻

六錢

天南星

去臍二錢

右為末每服二三錢薑五片水煎服

胃風湯 治風冷乘虛入客腸胃水穀不化



泄瀉注下及腸胃濕毒下如豆汁或瘀血  
日夜無度

人參

白茯苓

芎藭

桂

當歸

白芍藥

白朮

各等分

右散每服二錢入粟米數粒同煎食前服

異功散

方見天鈞

六味丸

方見腎臟

白朮散

方見積痛

柴胡清肝散

方見諸熱

補中益氣湯

方見虛羸

角弓反張

錢仲陽曰角弓反張者由風邪客于太陽經也經曰風從上受足太陽主周身之氣其脉起於目内眥而行於背肝屬木主風所以風邪易侵也夫小兒肌膚未密外邪易傷肝為



相火其怒易發若身反張強直發熱不搖者  
風傷太陽也宜用人參羌活散小續命湯若  
因暴怒而擊動其肝火者宜用瀉青丸若飲  
前劑其症益甚者此邪氣已去而脾氣虧也  
宜用異功散加芎歸補之若因肝經虛熱或  
因尅伐真氣虛熱生風者宜用異功散地黃  
丸補之若因下而脾氣困憊腹肚膨脹者此  
中氣損也宜用白朮散補之若氣血素弱或

服攻伐之劑而手尋衣領咬牙呵欠者肝經  
虛甚也急用地黃丸以補之仍與肝臟參覽

### 治驗

一小兒忽腰背反張目上視面青赤白青  
屬肝主風赤屬心主火此風火相搏用柴  
胡梔子散倍加釣藤鈎頓安而痰如舊又  
用抱龍丸而愈

一小兒忽腰背反張服治驚之藥後不時



舉發面色黃白肢體甚倦余用五味異功散十餘劑而愈後因驚蕪飲食不節不時舉發隨用前藥即愈遂日以參朮末每服五七分炮薑大棗煎湯調下服至二兩而不發已上二症元氣虛而病氣實也若用攻邪之藥皆誤矣

一小兒素患前症痰盛面色素白而蕪青余謂肺氣不能平肝肝氣乘脾脾氣虛而生痰耳先用抱龍丸二服以平肝隨用六君子湯以補脾肺月餘而痊半載之後復發謂非逐痰不能全愈遂用下劑痰涎甚多而咽喉如鋸聲余曰乃脾不能攝涎也咽間鳴乃肺氣虛甚也遂用人參五錢炮薑三分水煎服而醒至第四劑後加棗二枚人參服數兩而愈後每發非獨參湯不應若執常方鮮有不誤者



人參羌活散 方見驚風

小續命湯 方見五疳

瀉青丸 方見肝臟

異功散 方見肺臟

地黃丸 方見肺臟

柴胡梔子散 方見諸熱即  
梔子清肝散

抱龍丸 方見傷  
寒夾驚

六君子湯 方見天鈞

保嬰全書卷之二 終







